



Služba civilne zaštite

Broj: 07-04-6539/21
Lukavac, 25.06.2021.godine

Na osnovu člana 64. stav (1) tačka a), člana 88., člana 70. Stav 1., 3.) i 6.) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 07-04-6539/21 od 24.06.2021.godine u konkurentnom postupku javne nabavke kompresora za zrak, Pomoćnik općinskog načelnika za Službu civilne zaštite d o n o s i

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 07-04-6539/21 od 24.06.2021. godine i Ugovor za javnu nabavku kompresora za zrak, dodjeljuje ponuđaču „TEVE VARNOST ELEKTRONIKA“ d.o.o Visoko, koji je dostavio ponudu broj: 052-AB/2021 od 14.06.2021. godine, za ponuđenu cijenu u vrijednosti od 11.500,00 KM i rokom plaćanja 30 (trideset) dana kao najpovoljnijem ponuđaču.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Općina Lukavac je Odlukom o pokretanju postupka javne nabavke broj: 07-02-2310/21 od 09.06.2021.godine pokrenula konkurentni postupak javne nabavke kompresora za zrak. Procjenjena vrijednost javne nabavke bez PDV-a iznosila je 11.500,00 KM.

Obavještenje o nabavci broj: 719-7-1-52-3-69/21 objavljeno je na Portalu javnih nabavki dana 09.06.2021.godine.

Komisija za provođenje postupka nabavke imenovana Rješenjem broj: 02-04-75-34/21 od 10.06.2021.godine i Rješenjem o izmjeni Rješenja o imenovanju Komisije broj: 02-04-75-34/21-1 od 23.06.2021.godine, otvorila je ponude i utvrdila sljedeće:

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

- da su u predmetnom postupku primljene dvije ponude;
- da nije bilo neblagovremeno primljenih ponuda;
- da su ponude ponuđača „TEVE VARNOST ELEKTRONIKA“ d.o.o Visoko i „Riket“ d.o.o Sarajevo, kvalifikovane i potpune, odnosno dostavljeni su svi traženi dokazi propisani tenderskom dokumentacijom, na propisan način,
- pregledom ponude ponuđača „Riket“ d.o.o Sarajevo, Komisija je utvrdila da ista ne ispunjava zahtjeve postavljene tenderskom dokumentacijom u pogledu tehničkih specifikacija predmeta nabavke. Naime, Ugovorni organ je tenderskom dokumentacijom propisao minimalni rok trajanja garancije na uređaj od 5 (pet) godina, dok je ponuđač „Riket“ d.o.o Sarajevo ponudio garantni rok u trajanju od 2 (dvije) godine, čime nije ispunio zahtjeve postavljene tenderskom dokumentacijom, zbog čega je Komisija, prijemnom odredbe člana 68. Stav 4. Tačka i) zakona o javnim nabavkama BiH, ponudu ponuđača „Riket“ d.o.o Sarajevo odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 11.500,00 KM bez PDV-a i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- | | |
|----------------------|------|
| a) Cijena | 98 % |
| b) Rok plaćanja..... | 2 % |

Ponuđač „TEVE VARNOST ELEKTRONIKA“ d.o.o Visoko dostavio je prihvatljivu ponudu sa cijenom u iznosu od 11.500,00 KM i rokom plaćanja 30 (trideset) dana od dana prijema računa i osvojio 100 bodova, te je u odnosu na kriterij za dodijelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac – Služba civilne zaštite, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „TEVE VARNOST ELEKTRONIKA“ d.o.o Visoko
2. „Riket“ d.o.o Sarajevo
3. Arhiva

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA

(ovlaštenje broj: 02-30-6250/20 od 21.12.2020.)

Edin Hamzić, dipl.ing.

